



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

9. Non esse scandali caussam, etiam si innocentes talia patiantur.

**urn:nbn:de:hbz:466:1-45701**

deartuat, quemadmodum supra dicto seruo accidit. Respondendum est istis (atque ad hoc responsum tota hospitalia, omnes egros, languidos, mancos, cæcos, claudos cito, & adesse jubeo) inprimis cum Christo: *Bonum est tibi ad vitam ingredi debilem, vel claudum, quàm duas manus, vel duos pedes habentem, mitti in ignem aeternum.* Item: *Bonum tibi est, cum vno oculo in vitam intrare, quàm duos oculos habentem, mitti in gehennam ignis.* Tamen ergo non semper in pœnam hæc talia accidunt, accidunt tamen ad patientiæ coronā. Viderunt aliquando cum IESU, *hominem cæcum à natiuitate, & interrogauerunt eum discipuli eius: Rabbi, quis peccauit, hic, aut parentes eius, ut cæcus nasceretur? Respondit IESVS: Neq, hic peccauit, neq, parentes eius: sed ut manifestentur opera Dei in illo.* Vitium est enim hominum, in aliorum calamitatibus, Dei iudicium citare, & peccati pœnam censere, quod & amici Iob fecerunt. Sed sæpe errant; vt & Apostoli ex ignorantia interrogauerant, an hic peccarit, vt cæcus nasceretur? non poterat peccare antè, quàm nasceretur, quare neque mereri potuit, vt cæcus nasceretur. Propter peccata autem parentum sanè non rarò filij puniuntur temporali calamitate, sicut propter adulterium Dauidis infans mortuus est, & propter flagitia Sodomitarum, etiam filij infantes arserunt; item propter peccatum, Dathan & Abiron, terra etiam filios eorum deuorauit, cum enim filij sint pars quædam parentum, in illis isti plectuntur, teste Augustino & Gregorio. In hoc ergo non errarunt Apostoli, quòd putarint parentes aliquando in filijs suis puniri, aut filios propter sua peccata plecti. At in eo errarunt, sicut multi homines, quòd putarint, non infligi has pœnas, nisi propter peccata. Itaque nemo temerè iudicandus est, quasi peccatis meruisset suā calamitatem, in quam incidit. Sæpe nec ipse, nec parentes peccauerunt, *sed ut manifestentur opera Dei in illo*, hoc est, vt patientia eius, sicut in Iob, hominibus ante oculos ponatur; est enim patientia opus Dei: Aut, vt etiam potentia Dei miraculo aliquo patefiat, quò diuinitas Christi declaretur; quale miraculum à sæculo non auditum fuit, cæci nati, scilicet illuminatio.

## IX.

Neque hîc est scandali causa. Si quis enim quærat, cur hic cæcus natus sit, non ob peccatum, sed vt manifestaretur gloria

Matth. 18. 8.

Ioan. 9. 1.

2. Reg. 12.  
Gen. 19.  
Num. 16.S. August. l. 6.  
qq. vet. testā.  
c. 8. S. Greg.  
lib 15. moral.  
cap. 34.

ria DEI in ipso, qua iustitia id fieri possit, ut tanta poena alicui infligatur non propter peccatum? Respondeo 1. nullam caeco injuriam factam; etsi enim ei non contigerit caecitas, vel ob proprium, vel ob alienum peccatum, non tamen contigit sine illo peccato, ob quod iuste Deus multo maiora mala illi immittere potuisset. Docet enim fides, ob peccatum originale, iuste poenas quascumque temporales exigere ab omnibus posse Deum; & ob id ipsum de facto multos infantes morte affici, aliisque malis, tradit Augustinus. Quod igitur non puniat omnes, nec pluribus malis obiciat, misericordiae est beneficium, non iustitiae debitum. Ut autem aliquid a Deo iuste fiat, satis est, si sine iniustitia, etsi non propter iustitiam fiat. Adde 2. quod etiam si nullum in tali peccato esset, tamen in arbitrio DEI sit, caecitatem, vel alium corporis defectum immittere sine ulla iniustitia. Nihil enim illi aufert, contra jus ipsius, sed solum hoc vel illud non vult illi donare, sicut ei cetera donavit. omnia enim, quae habemus bona, DEI sunt dona gratis & liberaliter donata. Quare si cui non dat visum, pedem, manum, longam vitam, non aufert debita, sed non donat, quae donare potuit. Quae non est iniustitia, sed terminus divinae liberalitatis & donationis. Quare nemo cum Deo potest expostulare, si ei sanitatem negat, aut vitam longiorem non donat; sicut nec servus potest expostulare cum domino, si ei agrum non donat, si non donat hortum, aut domum.

Sed in arcana divinae iustitiae penitus intremus. Nonne Eremicola DEI tribunal temere iudicavit, quando *animo secum pertractans miserandum innocentis hominis casum quasi offerebatur in Deo, qui infentem servum tam atroci calamitate tantisque arumnis premi, opprimi, passus esset?* Nonne ab Angelo eius temeritas est castigata? Nonne iustitia Numinis demonstrata? quando dixit: *Novis huic pedem amputatum, ut iustas poenas daret, quod hoc ipso iam olim pede juvenis suam ipsius matrem unam vectus ex curru indignis modis deturbavit; nec umquam de hoc scelere, uti par erat, doluerit.* Itaque non solum Deus est Dominus membrorum nostrorum, sed etiam iudex. Per quae quis peccat, per ea & poenas illum lue-re par est. Multi membro aliquo, aut membri usu privantur, & causam nesciunt, cur ita superi permiserint; scirent, si delictorum

Vide Toler. in cap. 9. 10.

S. Augustini lib. 22. Civit. cap. 22.

X.